




PL
2610
c46
1784
v.4



賴古堂尺牘新鈔三選結隣集卷之六

周在梁園客

豫儀 周在浚雪客 鈔

周在延龍客

李春芳

子實石麓江南興化人
文定公集

示諸子

此數言可
以驚天地
動鬼神安
得不為大
君子孫極
具繁衍科

汝父叨居高位。日尸素是愧。而况敢私及兒曹。恩貢
一途。宜留待寒士。汝輩雖不得一第。猶可博一蔭。可
速來吾處。勿考也。所以不使汝輩與考者。恐當道知

第極其綿
遠有本哉

重摯之氣
直欲透過
紙背

續隱集

卷之六

爲吾子。或以此濫畀。則予之不屬。猶囑耳。且寒士而泣玉者。可傷也。諄切諄切。

示子孫

佺翁已蒙聖恩留用。仕路之險如此。爲臣子者。不可不自慎也。我連日感此。正有山林之想。顧君恩未報。不欲言退。自今益加慎畏。汝叔侄當體我心。交際不可太泛。出入不可太勤。杜門靜守。以全我令名。他日潔白歸山。死且瞑目。

李

潛

啓美原名洵。字士美。江南興化人。葉聞齋稿。

復陸兩侯第三書

又爲今日
處世之箴
規

再接手教。欲小兒圓融處世。惇睦親族。夫聖於和者。惟柳下惠能之。魯男子便不敢學。兒輩庸才。識性未定。專務圓融。將流於邪僻。而不自知矣。族人賢愚不等。漫然親近。恐薰染穢習。又無餘閒讀書。二事均未敢以之訓子也。又云百足之蟲不僵。有無翼而飛者。歟。人生立德。可以不朽。未聞恃足。可以不僵者。雙伏不飛。則亦已耳。必借翼而飛。一旦失恃。反遭彈射。且見啗於無翼。陸行之獸矣。弟居恒教兒耐冷。禁兒趨

炎。今未能遽然相反。極知先生爲弟防患之苦心。然窮通有命。禍福任天。近有人語弟云。某某工媚者。何以皆敗。弟告云。黨類先摧。主盟隨廢矣。蓋積不善之人。未有不災及其身者。無爲弟過切焚堂之慮也。

答生心上人書

一味拋下。未知便是。禮真否。然以箴砭俗師。真可當。痛下棒喝。每見大和尚。與動亦。諸方釋子頗多。潛獨馳神几席者何居。亦重師嚴守毘尼。博通經論耳。二者曷言乎可重也。曰異時修定修慧。作聖之基也。今惟聞大興土木。又手書達予。一言之再。三言之。以爲予有同好乎。不知愚見竊與師

復如此豈
彼法與世
法同乎抑
別有說乎

異師傷寺圯年久曰本自現成師募橋樓整飾曰陸
地起風波師算檀施數有二千曰半文錢不值師謂
施者分釐升合必安頓於千穩百當處曰謝你費心
師謂人生難得大好事曰姤事不如無師謂不朽功
德曰不過報在人天如幻速朽師謂督率心苦曰自
取之也師謂欠六百餘金之債曰向債主道貧衲待
他生割肉捨身師計將來之緣曰莫動妄想師謂居
士不可不一相扶持曰休要拖累平人師心服否大
衆聞言俱心服否服則不須向外馳求端居寺中便

獲安樂。不服則李子孤峰獨立。冷眼遙觀。大眾與師。持疏沿門。雖到趙州八十。恐猶未能駐足也。

李

清

映碧心水江南興化人
澹寧齋集

示子孫

歲丙午。予謁先文定祠。因憶宋史中有巧合三事。此王鳳洲盛事述耶。抑奇事述耶。亦盛亦奇。烏可無述。宋李廸繇狀元爲宰相。謚文定。壽踰七十。盛矣。先文定如之。姓氏同。科名同。宰相同。謚同。壽亦同。此一奇也。宋王溥以宰相致政。父母俱存。盛矣。先文定如之。

託爲談佐
直堪使四
聖動容

得人之盛
如此正所
謂大臣以
人事君

故歸田勅云。繇狀元爲執政。馮京不愧乎科名。以宰相而養親。王溥見榮於當世。夫從狀元登執政。非難獨執政。後復致政。正兒孫濟濟。不能識時而猶父母俱存。爲難。此二奇也。宋慶曆癸未科入相者六。爲呂公著。王安石。王珪。韓琦。韓絳。蘇頌。盛矣。先文定主試。隆慶戊辰科入相者如之。則沈一貫。朱賡。張位。趙志臯。王家屏。陳于陛。于慎行也。如之乎。曰。過之。彼六而此七。此外八座十五人。卿貳三十八人。開府二十人。方伯十九人。餘衣緋懸金者。通計百五十餘人。以節。

義文章事功著。又不在。此類蓋自隋立制科。後其芬
華鮮儷。而况宋慶曆此三奇也。亦盛。二美俱兼。
乃笑鳳洲分述盛奇。猶隻美而非雙美也。雖然。吾又
因家榮而思國慶矣。

與周仲馭

讀請謚遜國臣疏。則微顯闡幽。金石並永。讀所撰遜
國記。則鐵骨丹心。日星重揭。然言者有心。行者無力。
有說焉。蓋緣當今讀書輩。自倣秀才之臭腐。時文與
居官之斷爛。朝報外。俱付諸義黃前事。夢夢不可復

識。故驟與之言。如對盲人。舉手東西。不知凝眸。若反
覆論辨。務求必勝。則又如鳥語之呢喃。閨語之詰曲。
益糾纏。不可解會。厭則憑几欲寐。妒則欲標而出。諸
大門外矣。甚舉稗官野乘。未付秦火之齊東。而奉若
著蔡。錮閉忠良。因其腹枵。遂成耳食。可嘆也。年翁擬
作遜國史。讀書種子。賴以不絕哉。

與朱全古

生
自寒荆亡後。始躬理家政。彷彿赴童子試時。夫童
子所苦者。作文難耳。然舉塾師之腐訓。時文之濫套。

演讀數過。如描摹影本者。依樣畫去。尚可成字。若悠悠忽忽。從不問家人生產。而忽欲籌斛較瓶。規裳度屨。對婢僕作絮語。懞耳憤耳。此與之無二字。手指未能硬提案頭刻燭。催句竟搔耳摩腹。喀喀不能吐一語者。情狀何異。罪不至此。

與張西河

往讀章格菴疏。謂天下人才。半污賊庭。存者當碩果珍耳。固也。然珍彥於朝。尤宜搜逸於野。夫鴈鶴能言。人愛其慧。然未作籠中教鳥。而不知挾能言之舌。以

善於摹寫

辭旨俱妙

令人愛慕

無由矜慧者。凡幾蟋蟀能鬪。人愛其健。然未作握中。
豢蟲而不知挾能鬪之距。以無由矜健者。又幾人才。
跼伏草茅而爲躍無期。類此但惘惘妍媸。惟聲是和。
是孟嘗出關之羣雞也。想當以情面賄賂四字藥銓。
曹二豎耳。

又

昔歐陽原功修宋遼金三史。以爲一時三大製作。皆
出其手。乃今日亦有當修三。一日記故事。一千家詩。
一雜字。或曰此皆兔園冊備抄耳。何言修。不知世間

不可不存
此論

新陽集

卷之六

六

之書必至田父山民村姑皆能家絃而戶誦之方爲
必不可少之書而今之不解讀是者幾恐塵封三史
實難與爭勝奈何置爲成書而謂一字之增損皆所
不能若汰蕪益奇以新書鏤行使世間無不讀書咏
詩又無不識字之民快孰甚以視元人抑鬱牢騷無
所見才而托之詞曲小說以炫目者何如何如

與莊雷臣

客鴻至兩接尊教俱以假館祝敝邑近苦飢凋市鮮
醉瑞有酒食先生饌半惡草耳忽聞方伯之子宗伯

善戲謔今

極尋常事
極尋常語
落映碧手
便都有味
外之味

之。昏。欲。屈。首。授。徒。則。詫。爲。異。聞。謂。非。瑤。池。之。瀝。不。足。
染。指。闔。苑。之。果。不。足。充。腸。如。爰。居。聞。鐘。鼓。驚。走。况。其。
村。居。日。久。與。俗。客。頗。疎。當。其。興。盛。咳。唾。皆。欽。書。紳。未。
已。恨。不。刻。心。一。朝。羸。寂。人。情。萬。狀。丞。相。之。長。史。已。去。
而。欲。無。附。之。張。君。嗣。爲。介。紹。而。進。之。是。失。委。也。雖。香。
吐。雞。舌。若。飄。風。逝。耳。幸。垂。宥。不。一。

與沈蒼輿

弟
謂。天。之。福。善。人。以。有。後。苦。鄙。人。亦。以。有。後。夫。鄙。人。
者。雖。富。擁。千。頭。而。一。毛。猶。靳。若。令。渭。城。曲。日。唱。於。高。

一人向受
恩者言來
生當爲爾
父非爲父
不能曲折
報恩也惡
謔大足悟
人
貪賞其字
句之新妍
幾忘其言
趣之危苦

臥則上帝尤忌其清閒而日思拂亂之此所以人而
蠡斯也夫則百斯男乃皇家之獨慶而公卿士庶人
之大苦買宅未已又爲市田市田未已又爲娶妻娶
妻未已又爲蓄奴婢其名而翁其實乃僕以一僕供
數十主役勞乎逸乎尤可笑者老而多情又誕一無
影之兒易簣猶倦蓋棺乃輟故曰大苦也想啓函時
亦當破顏耳

又

吾輩數載分手一朝促膝猶恨身非形影有動輒離

補文通所
未及直可
另作一賦

今人類借
文章行誼
為乞食之
資然猶知

耳。河干握別，幾欲零兒女柔絲，不得已，以男兒戟鬚
掃之。然歸舟後，猶作移時惡。彼昔人所云黯然消魂，
惟別而已，猶後之也。若良朋相對，方笑語聲譁，而每
一念別，則咫尺階前，已情慘陽關。乃知別意在別境
之先者，尤為黯然也。翻恨文通別賦，猶未尋味及此
耳。

與歸懸恭

近接某紳札，薦某友相訪，見其為嚴親乞言，累牘不
休。弟謂真孝子也。遂曉夜縷思，贈以序言，不意分袂

借文章行
誼者聖人
之教也

設論無所
不有止是
學富

後又欲乞孔兄少許乃輒然笑昔人謂索文之使毒
於催租今又識贈文之費奢於嫁女雖然畢竟所嫁
者醜女耳若好文如好女行見白壁黃金絡繹君家
其又何費焉

與毛子晉

閱汲古閣儲書洞心駭目昔夜郎王僻處井底終身
不見漢大故託雄自如若與高麗啓民稽首隋帳傍
于官而覲百戲其不從駭羨之餘旋化懊喪者幾希
弟今日者無乃幸而不爲夜郎又不幸而不爲夜郎

平小記小序各一。聊識藏書盛事，皆蕪辭也。若酒醜足覆，恐君家所儲盡。昔醍醐以近旨爲福，過不若裂而焚之，轉深知我之感于此日耳。

與丘近夫

弟偶讀西京雜記，至明妃出關事，輒嘆然。彼盲目人，主尚解誅毛延壽，猶是憐色心苦耳。它年墓草內向無乃感此一念耶？若以卞子相石兩工，當延壽前身，隤乎妬乎？誰誅者？此抱璞之士，所以歛歔於憐絕也。苟偕延壽誅，猶幸夫至偕延壽誅，猶幸而士之不幸。

更何如。

又

可見唐本
大家之學
後人無可
善議

承示大刻。以六朝駢麗。寓入大家典則。二美合矣。豈
非君研精斯道者深乎。若帖括簿書。古文之忌器也。
而^某往以一身兼之。故入斯道不深。且又斜趨于虞
初文致等書。以身爲逐艷元美。慨想於韓歐義。仍企
嘆于曾王。皆以殘年向盡。欲追末由。此^某所以無其
才。而有其感也。若君則否。旣以少俊蠶氣。蟬蛻于帖
括簿書外。以耑力古文辭。况指鵠惟端。有中必洞。遙

睇竿頭所進靡底善乎酈道元之論山也。既造其峰。謂已踰崧岱。復瞻前嶺。又倍過之。可見山境與文境俱以百折千繞無頓足爲佳。若頓則不佳矣。行拜新篇以券鄙言耳。

與宗子發

數日內貴恙想已霍然。但淫雨積時。未知君家十畝亦居然無恙否。拙刻三首。已免陸懸圃斧削。望更爲削之。此非貌言也。蓋人第知落紙淋漓頃刻數百言爲至樂。而不知縱筆雄剪頃刻數十行亦爲至樂。自

龍院一炬
更是大痛

知猶爾。而况旁觀。昔元復初有作。虞伯生爲削百二十字。而復初亦以精當。叫快此文。人樂境也。鄙意猶是。想能賜正耳。

與蘭之氛

昔梁武帝與魏使臨放生池。問使曰。彼國亦放生不。對曰。不取亦不放。是卽達摩無功德之微諷。而惜乎。出使臣口入人主耳。皆能言能聞。而獨不能參也。弟昨晚挑燈夜讀。見一蛾繞燭飛。則驅之。驅之將生之。非憐其眉已晨起。復見一蜂集于壁。則撲之。撲之將

是儒是釋
止是天地
間妙理

死之如憎其尾。因思蛾自飛。蜂自集。于吾有何憐憎。
而生之死之顛翻。乃爾忽憶使言。恍惚有得。彼不取。
亦不放。而此有驅斯有撲。故也。夫人終日踐地。不知。
踐死幾蟻。然不云吾殺無心。故耳。可見觀生倪于有。
意。不若觀生趣于無心之爲得。無心則殺蟻亦生。而。
有意則生蛾亦未爲生。生動而殺旋伏矣。此蜂之幾。
死于撲也。

與艾山弟

承示吳鹿友詩序。爲擊節不已。方今白面書生。幸竿

朱紫遂不識丹黃爲何事。讀弟所言。洵若輩藥石也。
當不使伏臘侍郎于今接武耳。至援引李杜以印。今
賢如風行水上一拂。卽過而不必以兩兩比勘。極吾
所言爲佳。旨哉言乎。昔宋雲使外國。入山窟十五步。
見佛影。然當遙視。則衆相炳然。近視便瞋然不見。已
漸漸却行。復見容顏挺特。乃悟影之妙妙于形也。故
吾謂遊名山。以前瞻睇美人。以半遮而讀佳文。以不
盡皆當作觀影解耳。弟然吾言否。

又

每見真才
人真名士
定有此等
不護短之
論然必心
有所勇服
非一槩虛
心也

昨以拙作請政。蒙賜竄削。如遇指南矣。昔丁敬禮有
言。文之佳惡。吾自得之。後世誰知定吾文者。虛哉懷
也。又失哉言。若使敬禮當日明舉定吾文之曹子建。
近語同志。使知遠告後世。使知相與競巧。呵摘去其
惡。而底于佳。甚善。乃云誰知耶。雖曰從人。未免護已。
此愚所以不敢爲弟隱功也。吾文有媿。賴弟以不見。
媿乎兒乎。無唾亦無擲。想當刮目相看耳。

示諸兒

近書與平子兄。以澹寧集請教。謂取義于汰。此非無

不但能匿
其醜更令
人想投廁
之編如龍
骨珠貝

說也。卽如有宋文士當推東坡山谷最然。究竟吮毫
時豈能盡佳。故精于選而蕪于集。皆窮搜者過耳。乃
知長吉表兄投廁疑愛其何云憎焉。若兒輩解此。但
舉我生平篇牘。或散落親交處。未經手訂者。獲卽焚。
嶺南一炬。珠宮皆灰。蕩靡猶可。而况蕩蕪若愛其羽
毛。而益之贅瘤。願兒輩弗以憎爲愛也。

與元子玉

近閱坡公小集。每爲莞爾曰。戲言哉。而迨其沒也。則
梁師成以一闌豎。輒稱公出子。又呼公先臣。不意身。

真坡公嫡血兒此不能得之於過輩者而得之出于天下事豈可盡料哉

後有此絕倒無乃公生前之弄筆所召乎乃一時文禁卒藉以解子長之史記以甥傳而公之文以出子傳然後知伊文始終於戲而不難以出子分甥之功也雖然彼有置父書弗讀而以覆家詭者若乃出子耳一嘆

又

承示所詠明妃詩甚佳然一時之丹青以醜圖醜圖固失實而千秋之歌弔皆佳言佳言亦溢真且君奚取前人歌弔之餘而爲之賸句也

弟

偶讀前漢書見

千古如此
類者甚多
不能無嘆

盜書之罪
大于盜壁
盜城盜壁
盜城不過

昭帝時以宮女賜鄯善新王。祖橫門外。蓋已先明妃。
行而容儀不著姓氏。俱沒誰憐焉。無延壽可恨。遂無
恨。延壽以憐宮人者。故弟謂延壽猶明妃功臣而不
以及君若舉歌弔不及之宮人而形之吟哦。使千載
冷骨一朝芬頰。君其功首乎。弟亦與分焉。乞嗣示不
一。

與徐述之

弟

偶閱二書。爲啞然笑。謂昔之盜壁盜城。僅虛言而
今之盜書。乃實事。噫。若罪豈止咎。其一爲錢岱晉書

此于一貪而盜書則斷人慧命其忍極矣忍之罪大于貪

纂本。從陳臣忠晉書詮要中出。而今遂掩詮要爲纂。其一爲陳其慤經濟文輯本。從張文炎經濟文抄中出。而今遂掩文抄爲文輯。亦云盜矣。若二子者。果潛心。二書汰蕪增華。或仍其名。或書其實。則精神所湛露。雖曰附見原自孤行。且安知不後來者居上。如孔子刪詩訂禮。而傳刪傳訂。獨不傳作。幾令作者掩長是也。自掩乎抑。故爲之掩乎。願二君味此。

與木宿上人

承教謂果報云云。不爽鎬銖。然愚竊有疑。一謂世間

在佛亦自
有說而文
字特妙

結隣集

卷之六

畜生道皆係宿業。但自劫灰已過。重開混沌。後想慈悲。如佛亦應普降。金雞彼鳥獸蠕動。與人並見者。胎業何所猶。帝王赦佛不赦否。一謂近世名公鉅卿。皆老僧再世。但佛法未入中華。時彼麒麟雲臺諸雄彥。又種緣何所。亦是前身鍊行僧。一念偶錯。自西方遠墜。來享人間巨福。否。愚意未明。乞以示我。

與顧修遠

弟居恒自念。謂世人秘書之罪。高於焚書。誠見此書一秘。或剝於鼠。或殘於蠹魚。或飄零于兒婢之風輪。

爲借書者
開一方便
我輩不積
書人賴此
文之功不
小

線帖不傳則絕矣。因嘆抱朴子數卷猶流傳至今者。當不以伯喈帳中之秘爲功。而以從伯喈帳中抱去數卷者之爲功也。惟弟與年翁皆欲爲其抱者。故有書必借。有借必抄。有抄必還。息壤在彼。當永堅斯約。遍傳諸同志。慎勿效顰伯喈之言曰。惟我與爾共之。弗廣也。

與陸懸圃

承教謂某友詆錢牧齋所作某行狀。用老公二字。此非獨吳老公薄心腸一語也。夫王軌曾捋周武帝鬚。

少所見多
所怪有映
碧之博聞
方許折衷
文字

矣。謂可愛好老公。有本者如是。譬如江海浩大。雖惡
草枯。皆入洪流。而不沾沾。則垢膩。而不沾。則蛻化。
夫牧齋不作某墓銘乎。阿婆雖老大。猶堪壓倒三五
少年。亦本諸唐也。是故不善用之。則好女殊。自妍
然。學妍亦醜。而善用之。則阿婆老公。似俗。然入俗。亦
雅。何也。其學其才高。且博。則然。不高不博。寧弗用。故
以規後人之效。輦則真輦。而以譏牧齋之作。俑則非
俑也。君以爲何如。

與陳子韶

議論深曲
揣出情理
有虛虛實
實之妙

承示越王進西子論甚佳。然君第知勾踐能川其妍，
不知實用其愚。否則吳太子可生，吳國可有，其不盡
吐勾踐陰謀黨胥攻訐，思固吳室於金城者，幾希。雖
然有太子友在彼，何覲焉？夫以褒姒長舌，佐驪姬狡
心，則置友于宜。曰：申生亦其揣摩所必及耳。乃知西
子佐越滅吳，實癡人而非俊物也。不然者，越王何能
沉西子於江，然則沉其可乎？曰：否。否。彼范少伯之去
長頸烏啄，主而爲陶朱公老無乃鑒於沉江一舉而
謂佳人之鳥盡弓藏在是耶？嘆嘆。

與徐述之

爾會老
天覺有道理
立天之所
以爲大也

承教謂天道福善禍淫。何以間爽。曰有故。桀紂有時
呌屈。則問高洋。劉晟。何以令終。元載。崔胤。有時呌屈。
則問李林甫。秦檜。何以令終。王甫。魚朝恩。有時呌屈。
則問曹節。仇士良。何以令終。雖然。渠何屈。蓋世間有
快。必有鬱。若嘆憤可廢。則盡人盡事。皆歌舞而歌舞。
亦久而成厭。故天亦間與漏網。存嘆憤一綫。此賢君
而綿祚。與良臣而延齡。所以獨昭歌舞於尤快也。否
則索然矣。無乃天道不測而妙正在斯乎。敬復不一。

陸廷掄懸圃江南興化人

與宗子發

文章家予不甚嗜者。北則濟南氏。南則晉江氏。蓋一
以其僻。一以其衍也。二公才不同。而學亦異。濟南所
法。西京以上。晉江則宋之南豐氏而止耳。方予不嗜
晉江文。嘗亦甚不嗜南豐。近則知嗜南豐矣。因復知
嗜晉江文。而抄之。而惜乎其嗜之不早也。然其不嗜
濟南文也。猶如故。非不刻意求之。虛心玩之。而其終
不知嗜也。猶如故。豈濟南所法者深。其造亦深。而非

頓挫大有
古致

震川先生
曰濟南文
曰不通呼
靈之矣

如晉江之易測耶。然濟南所學。自檀弓左氏離騷莊
子以及子長賈誼孟堅之書。予見之。頗皆知嗜。不似
讀濟南文者何也。源之頗悉。而曾委之。不知乎。是殆
不可解也。足下好古士也。其初不嗜濟南晉江也。皆
與予同。近則置晉江不道。而頗津津濟南氏之文。夫
濟南者。予初不甚嗜。而今猶不嗜者也。晉江氏者。予
初不甚嗜。而今已知嗜者也。足下初與予同。而今皆
反之。是又不可解也。孰得孰失。足下定之。

顧九錫

思澹江南江都人

與何御六

儀為至論

嘗讀歐陽子序梅聖俞詩曰。詩愈窮則愈工。此不可以不辨。蓋窮於窮者。必不能工。詩而不窮於窮者。詩乃工也。夫窮於窮者。其氣已窮。而欲其不窮於辭也。難矣。惟不窮於窮者。既不得而窮。其氣斯不得而窮。其辭如吾御六風。推風雅。翩翩佳公子也。當流離播遷之後。大非昔年。而意氣磊落。常有吐棄一切之思。故其於詩。自爾瀟灑出塵。有飄飄凌雲。冉冉欲仙之意。然則御六殆不窮於窮者歟。

如此說來
連人事亦
在天命中
矣

系陽集

卷之六

梁于涖

飲光江南江都人

與李小有

回首都門。總成夢幻。大抵人生。只命不論。文縱使。
文章有價。亦是偶然。湊鬼神之趣。其實冥冥中。夢夢。
也多。積德少。讀書莫離時。文淡情得失。造物或者憐。
而收之。

黃

經

濟叔江南如皋人

與某大令

吾兄寄斯世斯民之命者。非一日。豈復厭有司之繁。

俗而輕視匹夫婦之家事者哉匹夫婦米鹽瑣褻中
有。天。理。人。情。國。法。在。况其大者願吾兄勉之。

陳

畢

天耳陶菴江南揚州籍河南孟津人一名澤留耕堂集

與王山長

天耳以留
耕焦寄我
近在白門
不得見其
近刻亦缺
隱事

古人以詩書養氣節。今人以詩書爲文章。古初謨誥
無多語言。而人品自立。晚周以降。語言日繁。而人品
反無以自見。遂以爲氣節之不盡出於詩書也。然天
下焉有真能得詩書之理。而氣節不浩然卓然與古
人頡頏者哉。觀足下此卷。其欲置之於丘壑者。將謂

嬰杵之志已酬。猶當奉其身以退。爲天下所不可少之人乎。吾誦其言而窺其意。知足下之得力於詩書者。大異乎今之人也。

宗元鼎

定九梅岑江南江都籍興化人

與汪舟次

梅岑尺牘最多見寄遲故不能備載

理不謬搖其枝。字不妄舒其藻。舟次此文至矣。僕雖雕琢一二字。昔人所謂猶是玉之本體也。幸勿訝。

止所知娶某姬

此食針一斗之禍母也。過里燒里過市燒市已見于

此物大足

長

前車矣。人謹避之。君汲汲圖之。危哉。

陳台孫 階六江南山陽人

與減齋

絲淚毀金骨。吾懼見此君。淚之絲絲也。

絲絲之淚
毒如雨傾
者

與林鐵崖

此君殆鳥之曲頸。鉸距者。獸之方啄。鈎爪者。魚之哆。脣鋸齒者。非惟彼族中畏吾。亦畏。

吳嘉紀 賓賢野人江南泰州人

與汪舟次

里出者正
悔其胸中
多字

紹陽集

卷之六

此子喜其胸中無一字尚可教。所謂淨潔白氎易爲受色也。

張 璠 韞仲拙存江南寶應人

與閻百詩

每念吾輩壯盛智慧漸去。若古所云年少奇才。必近其人資其穎發。是還元秘術也。今得百詩。吾知幸矣。

汪 玠 長玉江南江都人

與陶菴先生

佛未嘗不以嗔恚化毒龍。願公剛以制之。

李清再見

與夫山和尚

近接某友札。謂僕矻矻把卷。無乃太勞。及往過某家。

非握籌則較斛。殊晝無寧晷。已聞插竹灑鹽。拂衾裯。

待者。復暮相競也。嗟乎。彼之矻矻。又一勞耶。昔某木

匠。誤勾陰府。閻羅命原勾人送回。原勾索賂不肯行。

匠無物可與。念故人沈萬三生前最富。向彼貸之。萬

三嘆曰。汝木匠也。向送我入棺。曾見我能攜一物來。

否。又某宦姬侍甚多。忽閻羅遣勾者至。諸姬環繞。無

此與白求
押倒之言
俱可當清
夜鐘莫作
妙謔看過

隙不得入。勾者懼罪。向諸姬求之。諸姬曰。汝去我自
送來。若齊宣早聞此。彼貨色二念。其索然水消久矣。
未知今人聞此。消乎長乎。請追味二事。

吳

綺

蘭次江南江都籍休寧人

復宗定九

得良書咏新詞。懷抱爲之一慰。書筆共画眉。忙此語

真艷絕千古。

黃

澍

仲霖次公劬菴浙江錢塘籍江南休寧人

與周櫟園

弟以癸未夏別章侯于燕。明年從金道隱郵筒得章侯札子。並書畫簋子。意存諄戒。惟此老自無雷同語耳。己丑過虎林。從南生魯署。見章侯爲作寫生圖數十種。雄奇凸凹。謂募人而斷其腕。吾黨當爲老遲惜此腕。不令復作。若令復作者。恐遭龍雷鬼物收攝。茲先生又以四冊相示。弟見章侯画乃益駭。如見章侯蓬首赤體。右手持酒杯。左手抓頭足之垢。擬目張目。談天下古今事。此而不遭龍雷鬼物收攝也者。當有神氣。元命護持之。弟薄命人。章侯一點一畫俱歷兵

見人一無
所取者直
是不恕耳

火不復僅存。異日不向生。魯乞圖。卽向先生乞冊耳。
陳無競 鴻烈榕菴江南江都人

示人

取人之直。恕其戇。取人之樸。恕其愚。取人之介。恕其隘。取人之敏。恕其疎。取人之辯。恕其肆。取人之信。恕其拘。所謂人有所長。必有所短也。可因短以見長。不可忌長以摘短。

范

涑

原易睇陽江南休寧人
唯言

示人

唯言皆實
實足以提
撕人心者
絕不待道
學面孔所
以足傳

忙人一貼
清涼散

前輩常教人靜坐姑淺言之人身靜時少鬧時多試
看每日早起觸目卽視觸耳卽聽心無所觸亦思索
終日應酬擾攘未有停刻及就寢又夢或數十年之
前千百年之外無不遍歷夫以七尺之軀方寸之靈
如晝夜多闕何壽由此促過由此增何有於學耶故
教人靜坐乃收心之法向學之漸也

又

人心不可忙慣了如平時起居飲食本無甚事亦若
有忙冗者以奪之只是忙慣不自覺

結隣集

卷之六

三

賴古堂

又

憶前輩有云。如今世間無有怕人的人。此言殊可猛省。五子之歌。民可近不可下。孔子答子張從政。無衆寡。無小大。無敢慢。此猶以在上者言之。觀前輩此語。則知君子於平居應接。無一敢下。無一敢慢者矣。

又

宋儒有言。自家猶不能快。自家意如何。他人却能盡快。我意要在虛心。以從善。余有轉語。自家猶不能快。自家意如何。快得他人意。要在實心。以求自慊。

又

學問事功人品俱以晚景爲難

黃

奐

佐龍江南歙縣人

與人

得共把酒便是別筵冷月炤杯行人自黯然也

又

佐龍與潘景升同負時名著述其富皆未付梓此吳東三所鈔

嫡妾相垂古今一轍。但我不當以我身及我之神情。入彼垂局中耳。無論尊諭所稱大經濟如王丞相謝太傅。卽近代王新建之經文緯武。戚大將軍之滅寇。

殲倭而終不能調伏其兩夫人。然亦不爲兩夫人累。胤嗣終無恙。大要以得異居爲上策。必欲同室轉見事生。兄但以鎮靜御之。切勿兩頭討好。切勿弄小小伎倆。我之伎倆。線索久已在其掌中。將常時相暱之情。相狎之態。一切抹入東洋大海。只以至誠正氣。定其風波。千頃不撓。八風不動。然後使之各居。亦非難事。若以我身雜其唇舌中。如兄所謂絮沾泥油入麵。則兩家相關。愈有興頭。豈容有各居之時耶。兄盛德人。阿子天自佑之。然不可無所以安之之術也。

釋元志 碩揆江南鹽城人嗣靈隱住揚州上方寺

復呂子愚

十年不見我子愚得聞手札二字不啻空谷之足音矣及于來使前展手索却成意到句不到途路消耗固如是乎然與其使殷浩空函作世諦流布又莫如馳書不到之可以定馮仰宗旨也笑笑

復韞諸侍者

香象渡河擺脫鐵鎖而去蒼蠅則涇可沾矣藥師菴公之涇也亦公之鐵鎖也爲象爲蠅公其自處我不

強作解事者必謂鐵鎖易脫涇實難除

能加一言于此喻之外。

王巖

築夫江南寶應籍陝西長安人

答李平子

承諭陳君言夏詩選吾兄爲索

僕

與伯籲之作

僕

自

廢退以來聲影刊落古之君子不得志於時既無由

致主經國功德流天壤又無由發揮語言文字潤色

治平光輝制作而徒托肥遯以自藏則夫汲汲以高

蹈自見亦或可以不必也卽一嘯一咏聊自怡悅於

山嵐水澤間亦不欲輕以示人若一二同心相與唱

詞旨宏達
可採入高
士傳

酬則我負子戴之言又無庸遽聞於世况所作者
非公孫曲學阿世之詞豈無小雅閔時病俗之論集
而傳之則南山之詩螭龍之咏小人皆得以媒孽君
子古人身隱則名不可聞爲是也易不云乎不易乎
世不成乎名確乎其不可拔潛龍也僕今所自處如
是吾兄以爲何如承諭與伯籲互作小傳今亦未可
僕與伯籲同心之言每爲流俗所譏今復爲此適足
滋詬厲耳餘詳伯籲書不更及

孫枝蔚

豹人江南江都籍陝西三原人
漑堂集

古齋集

卷之六

七

賴古堂

間以饒句
而不傷風
骨經似昔
人齊梁便
不得擬之
矣

謝家無言

漑堂拙集過蒙痂嗜抄成副本不煩小胥深感此德
無以云喻暇日間覽子山之文輒重滕王之序所云
陽都舊藁百不一存江陵三卷重遭軍火吁嗟哉身
後之名不亦危乎至于李韓詩文半爲庸俗所亂則
又毒過祖龍惡勝洪水者也今此拙吟旣懶手抄幾
將烏散慷慨酸苦之詞復非世所樂聞而賢仁垂念
周至且復急同捕亡蔚所未慮及便已先之有同劉
沔編綴東坡之集無待李賀補作會稽之歌篤交如

此實足激揚頹俗。豈止惠愛雕蟲。援筆有謝銜珠無忘。

與汪舟次

弟遊况不足道也。但從令兄處得讀近所作西山紀遊詩六百字。老來氣衰力竭之時。甚望而畏之。足下意何不善至此。直欲兩北征二南山矣。幾月不相見。作此驚人伎倆。真不虛却遠遊也。吳野人詩格日長。其意便欲多毀却從前詩。弟謂却似不必也。譬如春米。精麤不同。要之皆是米粒。粒從辛苦中得來。何忍不是那。

立論寬平
不似今人
一味罵人
揚已每見
大和尚開
口便說這
不是那不

是只是胸
無所據耳

系原集

卷之六

三

棄之。若是稗子。則斷不可存耳。足下以爲何如。

示兒燕

冬買葛。夏買裘。爲學當如是。裘宜冬。葛宜夏。爲人當如是。

王道浚

若谷江南儀真籍江西豐城人所著有元機精蘊天官辨疑讀史管見學古有獲諸集

示人

今人但將
聖賢立論
守而注疏
明白便可
翼經便可
希聖

忠厚二字。談何容易。公而不私。又能盡已之心。盡已之力。乃可謂之忠。損己利人。又情文俱備。始終不倦。乃可謂之厚。今世人所謂忠厚者。非軟美。卽懦弱愚。

聞胥失之矣

又

劉邵之志
人物不能
如此簡盡

世間。但有。好勝人。無慷慨人。但有。積怨人。無感恩人。
但有。炫才人。無憐才人。但有。邀福人。無積德人。但有。
爲生計人。未有。爲死計人。但有。爲近計人。未有。爲遠
計人。但有。憂妻子人。未有。憂父母人。間亦有。志可不
謂賢乎。

釋弘儲

繼起江南通州人
靈巖和尚集

復徐曜法居士

可想其文
之妙亦可
得作壽文
法

蒼眉飯僧上岳頭。兩日陰雨客少。山堂如太古。蒼眉
語語入道。乃相與語昭法。則語語情至。故我嘗言古
今無不情之佛菩薩也。蒼眉曰。昭法過月半文成到
山。昭法之文不可得也。山僧何辭。但山僧不自壽人。
壽山僧。山僧不受也。昭法知我祇以我兩人交情戚
昭法之文至文也。提着我爲法門爲師長爲諸方龍
象。不惟夾襍昭法之文。我所不欲也。山僧識廉耻。知
痛癢者。倘昭法阿所好。必摘其長而忘其短。不免逢
諸方之怒。以累昭法。在今日無廉耻不識羞者多故。

法所以盛也

也

此退翁平
心之言

有古致

唐宋佛法盛時。唱道者。刹竿相望。諸宗師。豈盡皆賢。然有畏忌。不敢妄作。一有不善言。公論屏絕。二三十年來。變易祖法。何嘗有一點正。知正見小民。不足論卿大夫。亦從風而靡。昭法愛我自領意。于語言之表也。珍重。

復顧螺舟居士

索題小照

客吳門如孤雲。乃復念故人之客吳門者。乃復以古人之寄托。以遺故人。則真古人之懷也。道影倦筆。不能壯其色。

與寶雲潛

人呼我繼起。我則喜。繼起兩字。是先師老和尚鄭重記我者。且在當日直呼二字者。惟我天童翁。惟我三峰先師。先師乙亥入滅。不聞痛切呼聲。三十年矣。師翁壬午入滅。又不聞痛切之聲。二十三年矣。祇壬寅臘月夜夢中。又聞兩聲。至今痛徹肝腸。人呼之焉。不喜。稱繼公。我則怒。非惡其辭。忽公之一字。非我有也。人稱我大和尚。我則拂然。我生平無大福。無大慧。無大勢。無大力。何大之有。稱我老和尚。我則當之年踰

讀盡碑和
謝德

六十不可謂不老也。且老與病爲隣。與死爲隣。至于
晨香夕燈。滌殘除穢。皆老和尚事。彼雖尊稱之。我則
以爲警策。且如今之爲師者。必欲爲法子謀。祖庭謀。
大刹盡震旦國。祖庭大刹占盡。猶自不足。此癡人愚
人昧昧者之所爲也。使其子若孫。果是祖師明綱宗。
行祖令。雖牛欄神廟。後代不得不祖之。回心自看子。
若孫道眼。不明行實。有愧將三塗之不能免也。只位
祖庭。日聚千萬盲徒。益增其醜。不必不必。病榻偶聞
此等事。書以寄汝。言雖不文。實是閭老子前一道鐵。

案以後著述用其意傳之

汪

楫

舟次江南江都籍休寧人
悔齋集

與竹關大師

今之歌喉必推吳儂。北曲辨字必準中州。有人焉舉此技而歸之西江。未有不擲揄絕倒者。乃中原音韻著自周挺齋。周則高安人也。爲之鏤板行世者。則永新人也。挺齋自言此書爲青原蕭存存而作。盛稱存存辨訂樂府音律之訛。極爲精當。而青原曾元隱又有投水屈原纔是屈。殺人曾子更何曾之辨。並爲挺

君子皇云
西江理學
節義之鄉
素不曾詞
曲一會便
爲易臨川

優作者盡
出其下並
舟次此札
大爲西江
吐氣

齋所推服。挺齋後序又云。常游江海。求能正音韻曲
者。無如吉之多士云云。則此事實發源于西江。而青
原有此韻人。尤不可不入之志中。爲山水道場生色。
昔陳眉公閱吉安志。一過輒大噱。擲去曰。吉安止得
兩韻人。一總抹却。他可知矣。謂志中不載作路史之
羅泌。作鶴林玉露之羅大經也。作者闕此。未必非理。
障所致。適足見其不廣大耳。吾師其以愚言爲然否。

華

袞

龍眉江南江都人
春草堂尺牘偶存

與孫阿漚先生


氣體高華
無論畫習
氣

結隣集

卷之六

史公游遍名山大川始能著述以文人筆墨借山川
靈秀之氣激宕而成奇展先生画册若遊我於黃山
三十六峰泛我于武彝九曲三十年遊山之興於茲
一慰然此特先生拳石勺水耳至求先生氣魄神蘊
所聚則又在東岱西華南嶽嵩恒之間他日訪先生
于龍蟠虎踞中作五岳四瀆一巨幅借以臥遊不越
江左得了向平之願覺盧敖杖跡所到猶僕僕多事
耳

結隣集卷之六終



賴古堂尺牘新鈔三選結隣集卷之七

周在梁園客

豫儀 周在浚雪客 鈔

周在延龍客

趙南星

夢白濟鶴直隸高邑人
忠毅公文集

示人

密而不公
所謂陰賊
也安得無
陰譴

濟天下之大事者必至公至密公而不密則有顯禍
密而不公則有陰譴

又

聖賢之文
只是明白
正大

論語之文。和平冲雅。如楚狂衰鳳之歌。莊子所載。乃其全文。而論語刪之。若迷陽迷陽等語。斷不可漏入。論語中知此。則知文體矣。

又

或曰。聞毀譽而不動心。何如。曰。非也。君子聞毀而省其有過。聞譽而慮其不符。

又

一儒者言。爲學須將世間一種熱鬧。世情痛自割捨。求徹底乾淨。夫旣云熱鬧。如何割捨。惟見的道理真。

先生議論
類深入一
層

性分定吾身大視之便如蒼蠅逐臭矣孔子曰無惡也此之謂也

又

無所疑而知者必非真知無所苦而樂者必非真樂

又

鶴仙禽也然乃嗜蛇詩人稱鶴有言及此者乎賢者之短自宜隱之世人殊不然也

又

獨立於萬物之上乃爲有志能屈于萬人之下乃爲

三人稱鶴
偏稱其嗜
蛇其有不
嗜蛇之物
亦硬差排
甚嗜蛇者
惡夫

有養

孫廷銓

道相沚亭山東益都人

示人

致之上世。理學不名。同異不攻。有巢似匠。神農似醫。
軒轅似博士。此在後世。定不列儒流。而占聖人。乃僕。
僕事之。蓋理足者。不辭餘也。道至老聃。而後名說至。
莊生。列禦寇。孟子。然後攻性學。至陸朱。然後窮何也。
其說好盡。故窮也。苟況談仁義。而李斯得其道。以殺。
人。此在異端。猶不可儒林。乃自異哉。

王崇簡 敬哉順天宛平人
冬夜箋記

與人

昔人爲親求作誌銘必於能文而言可傳者初不論官之崇卑也如韓歐曾王及明之景濂震川遵巖荆川諸集中其人以文傳者比比而世人寡識但藉顯貴不論其言足傳與否或假他人爲之取見任官尊者以炫赫世俗不知轉瞬而已無聞矣

此爲解其
親矣顧反
初爲重耶

孫承澤

北海退谷上林籍山東益都人
硯山齋集

與人

古學集

卷之七

三

賴古堂

先生之言
往往與忠
惠合

高忠憲景逸先生言。我朝學脉。惟文清得其宗。百年
前。宗文清者多。百年後。宗文成者多。宗文成者。謂文
清病實而不知文。成病虛。畢竟實病易消。虛病難補。
今日虛病見矣。吾輩當稽弊而返之於實。忠憲之見
卓矣。文清有言。聖人作經。皆寫其身心之實。孟子亦
曰。仁之實。義之實。智之實。禮樂之實。蓋道理在天地
間。無一不實。實有何病。惟不言性善而言無善無惡。
不言知行合一而偏言致良知。不師大中至正之程
朱而宗師心自用之陸子靜。近世學亂於虛也。實始

講學斷斷
不可自立
一名曰立
一名樹一
敵矣此所
以講之紛
紛也

于文成矣

又

文清言竊怪後人於朱子之書之意未能徧觀盡識
輒逞已見妄有疵議勦拾成說寓以新名銜新奇而
掠著作之功此數語似逆知後有文成而頌道破者

又

虛病實病之說醫家有之虛病者謂其氣血之虛也
實乃邪氣所在實卽病故用下之非爲氣血之實也
氣血充實何得稱病如大學所言仁敬慈孝信實理

虛實之論
西爲切透

也切磋琢磨實功也親賢樂利實効也文清所言率
是可爲病乎可言消乎如以承氣湯加氣血充實之
人消其氣血是庸醫殺人耳吳草廬一生攷攷經書
晚年乃悔之此無病而服承氣湯者也

又

道理文章原是一事道理明則文章在其中矣如朱
子之文集是也疎豁高朗條理井如以其得於極深
研幾故又沉著痛快天下之至文也文章正則道理
在其中矣如歐陽子之文集是也風雅之音典謨之

體昔人稱其簡而明。信而通。引物連類。折之於至理。殆非過語也。

又

學人之讀書。猶弱人之服藥也。元氣漸復。乃見藥力。氣質漸變。乃見書功。如呂伯恭性卞急。讀論語至躬自厚而薄責於人。豁然病除。不復卞急。朱子稱其善於變化氣質。實善於讀書爾。

又

陸五臺師事僧人達觀。出署卽赴寺講佛法。一時競

此爲大醫
于

當時譏容
菴好辨如
此論却亦
正大

謫旨高瞻

尚禪誦以附合太宰太宰歿後人請祀鄉賢督學伍
容庵袁萃不允曰五臺佛門弟子宜祀維摩庵中陸
爲吏部最有聲止以一事之謬遂來身後之譏惜也
然有儒其名而佛其實居然俎豆夫子廟廡者何與
魏裔介貞菴石生崑林直隸栢鄉人
兼濟堂集
與辯若弟

是盟兄至都幾一月而歸臨別作語云極閒人至京
師竟作忙然則極忙人可知矣晨鐘初罷便催人赴
東華道上霜風凜冽自非壯士能不懷憂耶

與孫北海

先生著述
獨貽吾師
真可稱知
已

向所著書今已告成謹裝一部請正。然著書係勞心
之事。春月亦遂緣此作十餘日病。每思過貽。輒以疲
倦不能往。今此書上下關係數千年。祈老先生詳閱
教之。茫茫宇宙高山流水。此外正未敢多示人也。

與彭士報

今之爲文者。病於浮蔓。漫無式度。其知式度者。又病
於枯寂。藻彩之不露。是之謂疲繭。惟昌黎無此失。雖
眉山父子亦未盡祛此也。程崑崙好講程式。此得作
有浮蔓之
眉山文亦
陳子遜曰
病誰人敢

道

愛友之至
僭溢于詞

古文之準繩矣。而時發爲光影。露爲鋒鏑。木之豫章。刃之干將也。吾是以歎賞不置焉。

與杜子靜

恒郡百年間風氣。乃生此五七人。老親翁抱利器而鬱鬱不得志。弟空爲扼腕。亦付之英雄一淚而已。悠悠蒼天。柰之何哉。然而丈夫無價之軀。似當求夫善養之術也。晦翁大賢。猶自留心刀圭。吾儕何得遂視爲異學哉。望之。

答滿城令余論山

事
下盛時

昨秋杪得晤芝眉。聆厥謦咳。知爲古之遺愛。又知留心學問。非一日之積也。故以拙作請正。不謂大賢見許。施之庠塾。春初北上。風雪載途。停車郭隗故里。詢及門下學道愛人之政。諸童環侍。實徘徊不能去。茲讀玉川義學記。及靈雨感應事蹟。作而嘆曰。異哉。當吾世而有慈惠如此。卽考之簡籍。亦未多見也。願門下始之終之。世寧有見知於天而不見知於人者乎。若僕以樗櫟之質。居重大之任。自

先帝在日。已投之以鴻鉅。今又何敢卸責。而才疎志淺。

難以報稱。抑以自盡其心焉耳。蘭札譽揚過矣。所願大君子鴻漸鳳翥。爲國楨幹。則太平立覩也。

與邢州史太守

德業由人造。而文章必自心生。古人遍作。不相襲也。若以游夏之德。合以班馬之文。抑亦可以爲成人矣。懷此有年。徒勞寤寐。乃承褒獎。謂可媲美。壤公僕於坡公。無能爲役。若心之所嚮往。則亦不敢不勉旃也。老祖臺江左名宿。大雅模範。但邢州久屬鄙陋。今乃得所瞻依。彼宋廣平。郭守敬。劉秉忠之流。今人獨不

可。嚶嚶而慕之乎。是在作養而成就之。公署高吟成
帙。想不後於歷下也。願以他日請教矣。

與真定胡太守

日者鄉人至京云。雨澤霑足。秋禾茂盛。皆仰藉賢公
祖之福庇也。又廟堂之上有夏稅秋糧。依時徵收之
令。從此黎元有歌咏太平之日矣。然良吏不舉。則有
司不勸。而銓曹逆料天下之爲吏者曰。恐開鑽營之
端。是何其薄待天下之人也。生以爲在外之連帥方
岳。宜弘其遠猷。以雪斯耻。

陳椒峰曰
不敢以不
肖待人正
直忠厚

答高袞文

西踰太行。北抵黑山。篤鵲鵲之義。敘棠棣之好。遙峰
遠岫。收入奚囊。烟樹紅霞。掩映馬首。壯哉遊也。生平
之盛舉矣。讀台札。青鞋布襪。遜心何已。

陳第 李立 福建連江人

與人

不求之心。而求之相。不卜之行。而求之命。不要之德。
而要之葬。是自疑也。疑則惑。惑則昏。禍福之言。始中
矣。言禍福者。紛紛世之。所以亂也。

語有本原
不徒非譏
流俗

連珠語而
化其練更
爲動人

又

孰輕孰重。雖伯彛所揣而人必付之衡。孰多孰寡。雖
原憲所程而人必付之量。非以其無心耶。故化人無
心。則端默而天下取信矣。

又

於人有福則悅。幸有禍則恨。嘆彼福未必增。禍未必
去也。而德之者至矣。于人有禍則悅。幸有福則嘆。恨
彼禍亦未必增。福亦未必去也。而怨之者至矣。戒哉
沈光裕 仲連種蓮願天宛平人

與金道隱

武林山水融結。佈置天然。兼得幽曠。本自佳境。如他處則幽或徧迴。曠或疏散。今湖山繁照。近如几席間。而四時朝暮雲樹之致。又攬對不窮。故爲勝爾。然亦以近人覺太平易。每爲俗遊點破。墟墓疥之。揆厥所由。白蘇二公實開色相之端。卽已稍掩本來面目。功過半矣。重以錢鏐建炎踵事。交雜人誇勝事實。山水之不幸也。梵宇丹碧。畫舫歌鼓。多不如少。况有興必有廢。興旣誨俗。廢必增悽。嗟乎文明設而大道漓。禮

偶然無景
引出一大
篇文字

樂紛而天德隱區界類然豈但一湖山而已

孫奇逢

鍾元直隸容城人
歲寒居集

答人

鍾元之集
頗多正論
惜不能備
載

古人論行結交流俗絕不講此。凡相與稱莫逆者。純以聲勢相高。酒食相悅。以詩文相倡和。儒雅風流。亦不多見。至于孝弟忠信之人。禮義廉耻之事。絕未嘗過而問焉。此友之一倫。所以日晦于天下也。取友之道。原本在身。此身爲不孝不弟多愆多尤之身。而能取極孝友無愆無尤之士。千古未有。身分愈高。所取

之友益寡。管仲獨許鮑叔知我。尼父謂知我其天。其義自見。然此處却不是立崖岸。尊嘉矜容四字。要時時玩味。

又

陸象山當家三年。自謂於學有進。此正可想施于有政。是亦爲政。全是孝友真切處。莫徒作米鹽凌雜細碎觀也。

楊彭齡

商賢順天宛平人

與所知

質雅中便
已感人

聞賢兄弟欲賣宅遠徙不審果否食指不益又無他
故卽一旦輕棄先人之廬甚不可也禮焚先人之室
三日哭謂先人歌哭遊處之所存而弗忍也無故而
去之而忍乎不肖自喪亂來捐背鄉井而南假林氏
之宅有陂池亭榭高樓疏堂爲宴遊寢處之適者數
年去之不復念惟先人之舊廬每夢至其處井竈依
然覺未嘗不流涕沾席也賢兄弟他日得無蹈鄙人
之恨乎且好事者丁昔人之一井一宅志其處以示
不忘况先人之廬乎當念之痛之重之已之

起得脫盡
時氣有漢
人風骨

與慎上人

師。佛。氏。之。徒。也。比。乃。買。田。宅。爲。業。竊。聞。而。疑。之。夫。釋
氏。之。教。以。空。諸。累。爲。宗。故。釋。迦。以。下。至。阿。難。皆。乞。食
爲。業。不。親。耒。耜。履。南。畝。而。師。遂。有。田。宅。何。哉。又。聞。釋
氏。不。三。宿。桑。下。其。于。身。世。浮。雲。耳。然。所。謂。雙。樹。祇。園
者。屢。見。于。其。書。又。何。也。豈。田。宅。亦。有。不。可。少。者。與。吾
今。與。師。計。之。無。田。宅。不。能。備。風。雨。不。能。具。饘。粥。既。食
於。人。又。無。以。食。衆。今。夫。田。宅。有。以。備。風。雨。有。以。具。饘
粥。不。食。于。人。又。有。以。食。衆。斯。二。者。將。何。從。將。去。田。宅

氣味壓倒
時流

與抑有田宅與吾道本乎人情彼釋氏者豈獨異也
其此類推之于吾道也可以過半吾師其思之

答汪敦生

讀所示詩集其可欷歔者十有八九不覩歡愉之辭
可謂悲矣敦生以避地故移家千里至無以將父所
在留滯誰不爲敦生悲者但敦生旣自悲慰其意者
又從而悲之展轉幽憂增吾兄之鬱而益吾兄之疾
失朋友之職矣于是思所以廣吾兄吾兄其聽之吾
聞之心有所奪則無所立在上奪于富貴在下奪于

真得韓歐
之意而出
之以心裁
著

飢寒。是以無當代之功。後世之傳。古之君子。知其故
而反之。以學道爲主。故能有立。嗟嗟。敦生無意于後
世之傳。斯已。夫敦生無意。後世之傳。何以致力於文。
辭。若是。是敦生有意于後世之傳也。敦生而有意于
後世之傳。而不學道。以自拔于世情之外。汨沒窮愁。
以終其身。吾見敦生之文辭。且日以退。而無以致後
世之傳。而豈不惜哉。吾兄以爲何如。觀兄自題詩集
曰。倦遊。豈有還里之意耶。若然。太善。吾與子孺。日望
吾子。

答李彝卿

如此用筆
似任率而
實精整拉
拽而出颯
颯有聲最
爲奇文字

拙文聊示同志。遂爲不知已者。詬病承相慰之厚。但
以弟或有介介。則不然。詬病奚所恤。浮譽奚所喜。立
言甚難。知言尤難耳。漢唐以來。文章正統。代不過數
人。在當時知者亦少。司馬遷在。而史記未振。劉向揚
雄。不相遇。韓柳兩相知。李翱張籍。當知韓老。蘇知歐
陽。歐陽知蘇氏父子。彼此相知而已。未聞人人知之
者也。歐公以尹師魯能識人用意深處。此外歐未嘗
更許人。張耒差能長行文字。當知蘇偶觀其文。語多

意少。其文如此。其于東坡自然行止處。恐未盡識。豈獨文潛使韓蘇相遇。恐韓所謂辭嚴義密者。蘇亦有時不之識也。一代文章之宗。兩相遇而猶恐未能盡識。文章難知如此。而望人人知吾文不已。疎乎因事肆筆。吾兄當有感乎其言。

與潘江如

弟厄白下。兄困吳興。不意吾輩之窮至此。而兄更憔悴有疾。臨別尤爲惘惘。兄有子可教。不爲不善。又鄉居頗靜。望調養自愛。詩人之窮。莫如杜老。有劉會孟

者讀其詩論其世而羨之自以不及是又窮于子美
使子美困餒道路時得知數百年後有聞而羨之者
當爲破笑吾輩之貧而安焉知不有相羨者可善自
遣。

答施愚山先生

長公至得詳動靜書屋停手更復撓以塵雜使人惘
惘其故皆本乎貧居世不苟自然至此家居不易無
已且遊乎姑以接長歲月何如論文歸之學識可謂
本論但襍積爲學立異爲識又非先生之所謂學識

氣味真到
極處便生

也。齡欲趨下風。每有假年之歎。又苦爲病撓。天下不如意。事往往而是。作幾句冷淡語言。亦復不遂。奈何。

董國祥

福兄直隸隆平人

示人

事可以寄吾明道善俗之意。則不必高壇坫列旗鼓。以自異于時。蓋世道之衰甚矣。吾性吾命。或言之。以爲耻。間有能自異者。又務爲標榜。中未必足。而外則欲其有餘也。崖岸立。而分畦畛。畛畦分。而滋同異。同異滋。而生水火。其始爭於宁僚。其終毒于國運。此亦

近代君子之通咎也。夫學者天下之公器，使人異之，不如使人就之；使人疑之，不如使人寄之。吾無爲遠俗絕物之行，而天下已不能不羣然趨向如器竹之必範器土之必型也。斯可以無憾矣。

申涵光 和孟鳧盟直隸永年人

示人

滄溟選助
人詩毛容
贈滄溟並
咏白雪樓

宋人評駁古人，自孔門而外，無一得免於同輩。則極口推獎近時李滄溟選詩，古人中百不取一。七子泛濫之作，所載纍纍，至于題白雪樓者，無不俱存。黨同

公錄其大
也其選不
傳

憾不生千
載上出一
二人不經
道語

伐異此自學人習氣然又有信耳厭目者遠人則慕
之恨不一見同里共學譏誚如不及總皆褊心所使
聖賢必不爾

喬 鉢 文永直隸內丘人

與人

凡人不到著書處不知胸中之無識但落筆古人皆
已道過

魏象樞 環極山西蔚州人

與人

薄於朋友者薄親戚之漸也薄於鄉黨者薄宗族之漸也

漸也

又

儉美德也仕路君子崇尚尤急去一分奢華便少一分罪過省一分經營便多一分道義慎之哉

又

爲人作墓誌銘不填事蹟則求者不甘多填事蹟則見者不信其至無可稱述不得已轉抄彙語及衆家刻本以應之辟如傳神寫照向死人面上脫稿已不

北東鄉之
所以識命
州諸公也

克肖况寫路人形貌乎吾願世人生前行些好事做
個好人勿令作誌銘者執筆躊躇代爲遮蓋也

王克生

孟楨半石山西陽城人
懷古堂集

答安靜子

絳帳歸來灞橋風雪應滿奚囊矣來教殊豁人意於
文字中種荆棘是以文字爲葛藤也於禪悅中起波
瀾是以禪悅爲浮漚也必則月投懷直繩爲腹之人
如門下者而後可與之娓娓也

贊人如此
八字省易
寫出

王弘撰

無異山史陝西華陰人
砥齋集

與劉孟嘗

潤生。昇。贈。一。鶴。弟。構。小。亭。居。之。擬。顏。曰。獨。鶴。此。亭。不。
肅。雜。賓。非。吾。臭味。不得。坐。談。其。中。非。元。亮。幼。安。之。流。
不。以。書。此。額。今。以。求。足。下。想。當。不。拒。耳。足。下。若。自。矜。
謂。弟。仰。書。法。之。妙。則。誤。矣。一。笑。

安致遠

再見

與劉生

見。雋。人。能。令。已。雋。見。痴。人。轉。令。已。痴。近。况。那。得。不。惡。
家。止。蓄。一。疲。蹇。一。老。奴。足。跡。所。之。不。過。一。二。十。里。所。

遇皆屠兒菜豎。輒以某家之千車糞。百斛麥。橫將矜
誇。彼似未知吾門有端木賜。足爲勅敵者。惡態醜語。
衝耳迎目。如覩地獄變相。無復生趣。每思兄臺。便是
衆香國中。閒禪散聖也。

李澄中

渭清山東諸城人

與劉子羽

桓宣武有言。人不可以無勢。我乃能駕御卿。我輩牢
愁。侘傺。不惟不能駕御人。求爲人駕御。亦且不可得。
悲哉。庾子山之賦。枯樹未至也。

周體觀伯衡直隸遵化人

與陶菴

讀先生詩如登長石山無草木但長金石

申涵光再見

示兩弟

高年而無德極貧而無所顧惜兩種人不可與較

又

該作道學事不必習道學腔

又

見盟以理
學訓其病
弟端慈公
盡節後皆
能立身揚
名無愧前
人

靜坐自無妄爲讀書卽是立德

又

可以一出而振人之厄一言而解人之紛此亦不必過爲退避也但因以爲利則市道矣

又

真理學從五倫作起大文章自六經分來

周在延

龍客河南祥符人

與人

既已息此涼樹下遂不願是樹一葉損

澹思子 江南太倉人

示人

見得自己
不是的尋
個來

凡民在世。所以生不齒於人道。死必淪於異趣者。無
他。只爲見得自家的苦。不見得別人的苦。見得別人
的。不是不見得自家的。不是而已。若能於此二言着
力挽回得轉。孔子必曰。吾徒瞿瞿。不日外道。

李長祥 研齋四川達州人

天問閣集

與響山人書 梅杓司

杓司足下。尊作冲和雅當。真不媿名家。愚言詩得二

義曰。人曰。變。所謂入。如過宗廟郊壇。皇都華屋。其動之干目。大約門壁牆垣。宮殿臺閣。若深居奧室。羅積貯藏。窮天極地之所有。不見不聞之所在。非身入其中。則不能了然于心。一一名狀。乃未嘗身歷觀其門壁牆垣。宮殿臺閣。以爲宗廟郊壇。皇都華屋之在。是則失之者多矣。此不入之患也。旣入之矣。宗廟郊壇。皇都華屋之內。凡所有者。俱了然于心。可一一名狀。當脫去其故步。以出不能出。將固閉于內。一頑塊耳。旣出之矣。乃迴顧其所謂宗廟郊壇。皇都華屋者。而

無定
已歷
意象

留連不能去。既去之矣。猶有影之溺于其心。不能化。既化之矣。不復更有所謂宗廟郊壇皇都華屋者。猶之頑塊耳。此不變之患也。愚在越城。見杜于皇。爲友人作跋語。有悟轉二字。詩不悟不能入。不能入則不能轉。轉則變矣。此意與予合。敢以質之。並望質之爾止。

與董文友龔介翁書

僕

嘗言碑與傳誌。文之太者。夫碑當別論。誌根乎狀。傳根乎誌。狀則人子之作之者。以乞銘于人。卽有文。

飾揆之以光顯其親之心無罪也誌則以載其人之
世系生死之年月日葬之丘原後昆之方來者如是
止矣其在大人先生有功于國家有大恩德于斯世
有景行之貽爲世之法則則錄之傳則遂取裁于此
以爲是可以傳者也與傳之云爾無其可傳者雖狀
詳不得以誌無其可傳者雖誌詳不得以傳今之爲
傳者何如卽誌矣爲誌者何如卽狀矣又諛焉誌且
加狀矣傳且加誌矣無不生有異徵無不幼敏應對
賦物無不捷成人壯長無不善事親其得仕也無不

作史而取
之誌傳必
無當也

公廉無有不神明震服者罷退之也無不以抗言上
官之獲罪無不以其不相悅之人病之者死則無不
以任事之過甚虧之以死其于婦人也無不操井臼
無不以解服飾充貧窶無不識大體無不以正相夫
子教子女無不如男子讀近代老名公文集傳誌總
如此不如此人得之不喜作之者亦必不爲其不喜
者以拂人且必不爲其不喜者以失已于人故文人
必有其心論人之文必論其人心心之不正發而
爲文必不正以不正之心爲不正之文以不正之文

爲古文遠矣。

范文光 仲闇四川內江人

遊蘇門與友人書

或數經革
易不無斬
伐之阨未
可執今以
証古然寫
景固遊記
妙手
空同蘇門
詩危峰懸
戶牖積石
噴鳴泉

蘇門踞泉上。勢類覆釜而童。通體皆石。亦復小有嶮
崎。乃卿尋經欄羅。詩言皆過。卽崆峒危峰之句。亦不
爾也。然登其上。西山揖青澄。泉俯綠雲林。烟樹平楚。
蒼然咸來。給目蘇門。蓋不自用而能善用物。故百泉
之上。蜂房蟻閣。泉至不勝其力。竟無錐鑿及之能。保
山年。蘇門其不愧孫登。應加稽生一等矣。

夸蛾齋主人

桐下听然

示人

以天下人視我。第一無用人。以我視天下人。無一有用人。世界原無真人品。貴則大賢。富則小賢。貧賤則庸愚而已。問何以庸愚。曰貧賤也。何以貧賤。曰庸愚也。偶然有一件好事。有一句好話。都被富貴人輕輕掇去。出名用了。所以說人情如錦。木一層薄。一層世味如藥渣。一次淡一次。元氣如冶銀。一回低一回。

又

風味全無
一毫文士
詞人氣乃
能傑出文
詞

識。一。分。醫。增。一。分。病。知。一。分。地。理。遲。十。年。葬。親。天。下。
事。率。壞。于。強。作。解。事。

喬時萬 君開處後江南上海人

與杜幼安

余初不解詩。見伯子喜爲詩。悅其音韻之諧。泠泠可
聽。而又無所得詩。間取關雎卷耳諸什。諷之。依其吟
詠。不減歌商頌者之聲出金石也。旣學爲舉子業。遂
日墮雲霧中。日不敢旁瞬一字。然私自疑怪聖人出
語。如鴻爪偶留。舟劍已去。就其言下。數言可了。何至

如許饒舌。佛大弟子如水投器。如是我聞。止傳佛語。從不添設一字。夫子之意。若曰。乃人人欲作傻孟大。是異事。曾不如曩時歌金石者之猶足諧耳。而又我言我志。當不墮板舌地獄。所恨長既無成。幼復不習。率意吟咏。紙筆遂多。不忍盡棄。惟吾子教之。

示子弟

古人一日之食。每計一日之功。今人一日之功。止圖一日之食。營營苟苟。惟酒食之是議。悠悠忽忽。借博奕以猶賢。肆一醉于崇朝。飛千觴于長夜。雖云勝會。

十字當書
之家壁

亦覺廢時。爾輩當鉞門限拒客。石心腸讀書。以此十字箴祛彼二種習。

又

與人善而輕信其醫。是以身命試與人善而遽延爲師。是以子弟試與人善而濫與爲婚。是又以家門後嗣試也。故聖門教人。必因不失其親。

朱漢徵

方黥江南崑山人

與李小有

弟
前此半月日。想白粲甜漿。如胡麻沆瀣。又想日光。

無聊中
爾最令人

樹影如銅盤。楮葉種種妄。念今已度。不可得漸安之矣。計唯扃戶不出。秉燭窮經。猶記王霸夏侯勝並從獄中受尚書。弟且用此了吾曲臺之業。安知此極。極囂與溷廁爲鄰之斗室。非吾洞天福地乎。弟且駁得意。口學夜郎王。漢何如我大也。

趙宦光

凡夫江南長洲人

與人

大抵文人之言。未可作實義看。至于集叙溢美爲主。况好惡又奪而去之。夜氣清明。萬分中所存者。蓋不

令人發笑

多矣。而欲據一時片語以定高下。坐見其夢中說夢。
李端叔序韓偓集云。咀五色之靈芝。香生九竅。咽三
危之瑞露。美動七情。高秀實認作真好之偏。曰。勸不
得也。勸不得也。若余評此文。則曰。總之。喫不得一笑。
一笑。

又

自徇其文章。如慈母之憐少子。從腹心抽出不覺自
怙其短。是故非嚴訓不能別子之賢愚。非虛懷不能
辨文之好醜。唐鄭守愚詩。若教嫫母臨明鏡也。道無

勞紅粉施名言哉

顧咸正 端木江南崑山人

與李小楮

弟與仁兄才不敢望百一而伏櫪之感約略相似世人望我輩幾似桃花源中幾百歲古人然弟竊縱覽古今英雄從強仕後飛揚蹕厲較諸驟盈驟涸者反有長康噉蔗之味因念宣聖四十無聞語只爲後生下鉗錘耳老而好學惟孟德與伯業炳燭繼日猶不患遲况未至炳燭者乎曾荅友人詩有云燕臺駿

輟伏波老
當益壯語
沈爲警策

骨猶生。日漢殿蛾眉未老時。自悲白。慰亦自厲也。

諸曇

謝謝仙臞寫小照

此等題得此雅製真

堪寶秘乳

林

取致高淡

取境蕭遠

似莊似諧

如規如諷

砥卓識于

塵區導開

心于物外

亦何必無

昨煩神筆。兼飫珍羞。感愧交并。稱謝何似。僕以蒲柳之姿。在風塵之內。欽寄之貌。雖未似乎汝南。土木之容。竟已同於中散。有慚佳士。敢費寫真。實愧殷生。遂煩圖貌。乃辱伸毫。拂紙握管。凝思因使生面頓開。顏顏忽起。光猶在面。如逢鸞手之奇。頰未增毫已過。虎頭之伎。昔少文得圖于晉帝。世以為榮。興宗見咏於

功序淵明
文始稱達
人高致

王維今猶爲美以僕方彼自謂過之何者快意取於
當前而絕藝難於再見也今於明旦便欲補圖既已
出之塵樊便須置之丘壑但僕性好奇服心儀古人
仰祈被以明月之裳着以遠遊之履素書一束童子
二人比之白雲之鄉吾將老矣庶幾流水之外自謂
過之

徐枋昭法江南長洲人勿齋先生子

與姜勉中如須先生子

尊翁先生贈言此弟久懷于胸急急欲吐以藉不朽

人以文傳
文以人傳
作者不擇
題人文俱
廢豈不當
自慎重耶

最似葛稚
川

者嘗竊論太史公文章非異人異事不以措手此非
獨其文章之妙獨絕千古卽其擇題揀料亦迥非後
世所及如尊翁先生之大節正當世之異人異事也
正今日作文者之好題與料也第患無太史公之筆
以摹寫之耳雖然敢不勉

張

灝

彝令長公白於山人江南太倉人
學山園集

復錢牧齋宗伯

猩紅之罽狐白之裘盛夏被之不若絺綌之適也文
茵之車朱幘之馬臨流乘之不若颿緯之利也矣

大芳柯可。眇秋水幽深。吾將老于此中矣。

釋通忍

朝宗江南常州人。姓陳氏。

與慕菴方司理

合下一睹

趙悅道云。默坐公堂。虛隱几。心源不動。湛如水。聲

觀之。適見

無在不是

釋理。豈獨

宰官軍旅

哉。

有佛法。馮濟川云。公事之餘。喜坐禪。少曾將脅到牀。眠。雖然現出宰官相。長老之名。四海傳。以此觀之。公堂後亦有佛法。既公堂前後皆佛法。何必向深山窮谷。始好參禪。無事間居。方堪學道。居士蒞任福州。正

予既錄理學正論則釋子之言在所必顧矣然釋子之言頗有提醒人心處能提醒人心則于世道未必無補亦安可廢哉

其時也。山僧書此作賀。非將佛法做人情。要使人情皆佛法耳。公堂前底還之趙公。公堂後底還之馮老。只如正坐公堂時。朗如明鏡當堂。炤不動形聲。應萬緣者。是甚麼人。行履處。忽然覷透。不但佛法。世法一念圓明。而趙老馮公。亦一時收下。何也。彼既丈夫。君亦爾。豈肯讓伊以獨賢。

復沈司馬

軍旅中有佛法。不可更說佛法也。軍旅便是佛法。不可更說有佛法也。橫按鎗鋸。掃除字彙。靜以應動。動

而能靜者。自然直破巢穴。坐致太平矣。鏑鉞者。當人之智慧力用也。孛彗者。根塵中之影響也。巢穴者。起心動念之根株也。太平者。本來之現成活計也。靜以應動者。二六時中。直據本分之作。用也。動而能靜者。千應萬變。而不昧乎本命元辰也。雖然。依舊只是軍旅中佛法。若夫軍旅。便是佛法。貧道不敢攙行。奪市待護法。掃蕩穢氛。時當而領大教也。

徐

增

子能而菴江南吳縣人而菴集

與陸陶孺

要知直麗即是清
真未有不
清真而能
艷麗者西
子洗淨而
皮與世人
相見清真
耶艷麗耶

六朝詩人輒以金粉薄之而不知六朝人詩譬如絕
代佳人盛服濃粧而丰神自在昔石季倫以玉聲輕
者居前金色現者居後絢如雲錦燦若霞光使蒲團
枯衲見之亦當六魄無主若責其不效西子淡粧則
可而薄其金粉則不可也世人皮相良可痛也今弟
讀仁兄和趙倚樓昔昔監樂府二十首字字艷麗初
不損其清真人盡道陶孺貧士室中人不免躬操井
臼詩却直是石季倫珠圍翠繞仁兄其詩豪哉

與王正吉

千古來文筆負奇絕之氣者無如子長之史傳子長之歌行如項王酣戰懷公醉草歷落頓挫不可止遏吾黨貧賤多由氣不能振欲振其氣莫若讀二公詩文日百遍使此身儼然有五岳三山氣象指下風雷何虞不壓倒一世哉

釋行岡

千仞嗣南澗問禪師

簡納納道者

順風揚帆果然便到彼岸余以爲岸無彼此風有順逆順處極易失足唯于逆處猛着一篙乃爲喫緊有

作文人之
筆看大有

結隣集

卷之七

完

賴古堂

機鋒

力。若。只。趁。風。使。船。忽。然。浪。起。波。翻。失。却。一。葦。爾。時。且。
於。何。處。安。身。立。命。足。下。幸。勿。認。此。岸。便。爲。彼。岸。也。別。
來。又。經。旬。月。到。岸。旣。久。消。息。必。竟。如。何。又。比。來。風。景。
頗。覺。不。順。昨。得。函。雲。一。札。業。已。觸。熱。作。客。去。矣。秋。風。
大。起。恐。難。禁。一。葦。之。東。下。則。在。世。境。爲。逆。者。在。君。家。
或。反。爲。順。然。則。順。逆。豈。有。正。性。哉。

蔣鳴玉

楚珍江南金壇人
怡曝堂集

示兒

名。士。門。庭。決。無。繁。襍。二。三。知。已。入。座。以。瞻。仰。儀。德。爲。

看名士深
於今人

先問答閒雅舉止清芬若有餘及時事瑣及米鹽探
及臧否者以隨順語泛應之以堅忍默對之

與人

嫌重起於矜身若上可陪列百神下可同卑田乞兒
此人豈復有纖芥胸中淨穢自他親疎恩怨有一不
遣令去我皆嫌地也有嫌地則生心心生曉轉人世
殺機從此始矣

又

狀元二字二十年驅遣不去昔人驗此最爲得力陽

明先生云。脫却衣服。依然是幾根窮骨頭。此豈有煩我驅遣而十年二十年貼骨乎。

又

范文正楷書道服贊中。有寵爲辱主。驕爲禍府。驕不在寵。有長卽驕。有恃卽驕。有年卽驕。驕之禍捷而大。凡自以爲剛毅方正。直言奮發。及指畫古今。好爲人師。皆驕之病本。楚解周天。格謁其座師。師曰。人能恕我之貪。不能恕我之傲。誅傲百於懲貪。余聞之。汗三

老氏所謂
以此爲言

裳 黃公江南丹陽人
載酒園集

與人論詩

西清詩話稱少陵用事無跡如繁風捕影因言五更
鼓角聲悲壯乃用禰衡過漁陽操其聲悲壯事三峽
星辰影動搖乃用漢武時星辰動搖東方朔謂民勞
之應事余意解則妙矣然少陵當日正是 貞串
于胸中觸手逢源譬如秣和麴蘖而成醴嘗者更辨
其孰爲黍味孰爲麥味耶

又

善於設喻
情理皆有
形似

詩家宗派雖有淵源。然推遷既多。往往耳孫不符。鼻祖如鄭谷。受知于李頻。李頻受知于姚合。姚合與賈島友善。兼效其詩體。今以姚鄭並觀。何異臯橋廡下。賃舂婦與臨邛當壚者同列。始知凡事盡然。子夏之後。有莊周良不足怪。

